

成。加。倍。卽。益。於。國。計。民。生。無。限。而。吾。國。轉。貧。爲。富。轉。弱。爲。強。之。樞。機。其。在。斯。乎。其。在。斯。乎。

商部議覆御史王奏請變通官粥廠改設教養局摺

光緒三十一年四月初二日准軍機處鈔交御史王振聲奏請變通官粥廠改設教養局一摺奉 旨該部議奏欽此查原奏內稱京師普濟堂功德林兩粥廠原爲收養老弱非養游惰也上年監放粥廠逐日察看每廠收養二三百人遞增至五百餘人所謂老弱廢疾爲數無幾大半皆少壯游惰之人每日兩次飽食出而游蕩聚處怡然夫此輩少壯旣得其所而實在老弱廢疾轉或不能相容與其徒費無益不如因而變通查五城設立教養局拘收初犯輕罪之民給以衣食教以粗淺工藝頗著成效擬請 飭下順天府援照辦理將普濟堂功德林兩粥廠改爲教養局收養貧民教以粗淺工藝該兩處各有房屋七八十間每年撥米一千二三百石並由崇文門撥給銀二千兩自十月開辦至次年三月止計施粥半年若改爲教養局自係長年且加工藝經費恐有不敷合無仰懇 天恩賞加銀米如再不敷卽在順天府備荒經費內撥補無庸另籌款項等語臣等竊維 朝廷恤民之政教養兼資若有養而無教蚩蚩者氓轉以衣食無虞不謀生計而閒散游惰之輩日以加多故戶部於本年二月間議覆兩江督臣賑捐接濟粥廠摺內瀝陳情形旣詳且備蓋深有見乎教養之不

可偏廢也查五城教養局收留輕犯實習粗工藝成令自食其力注意在化莠爲良雖與臣部工藝局招募嶺敏藝徒教以美術工業宗旨各有不同而收效則一順天府所管普濟堂功德林兩處設自康熙年間庚子後不無殘闕經臣璧在順天府尹任內修葺完繕歷年冬春兩季施粥施衣本所以宣布 皇仁體恤勞獨乃少壯游惰者不無濶跡其間與其徒講博濟之仁施不如並求考工之實業若就本有之廠基收養窮民分科習藝誠如該御史所稱因而非剝簡而易行一轉移間官款不至虛糜窮黎漸有生路均擬准照所請應懇 飭下順天府尹查取五城教養局章程體察情形妥定成規趕速興辦至於常年經費應視規模之廣狹定用款之多寡查普濟堂功德林兩處每年應領崇文門稅務津貼銀二千兩又於戶部年發 恩賞普濟窮黎銀一萬兩內酌量撥用外如尙須接濟銀兩再由該衙門備荒經費項下動支此與賑撫事同一律請准作正報銷至應領米石或有不敷併由該府尹通盤核實應添領若干奏明辦理誠以京師地面遼闊無業游民所在多有若先將該兩處改辦教養局籌款易而收效多於矜恤之中實寓化導之意順天府所管尙有朝陽門安定門西直門三處粥廠應如何改設之處統由該府尹實力籌辦徐圖擴充以仰副聖主子惠元元有加無已之至意謹 奏奉 旨依議欽此